



Verwysing: 20200921- 8181  
3/1/3/1  
Navrae: Kringbestuurders

Omsendbrief: 0026/2020  
Vervaldatum: Geen

Aan: Adjunk direkteurs-generaal, Hoofdirekteure, Direkteure,  
Hoofonderwyskundiges, Kringbestuurders, Prinsipale van spesiale openbare  
skole en lede van beheerliggame

Kort opsomming: *Voorsiening van 2021 se opvoederdiensstate aan spesiale openbare  
skole*

## **Onderwerp: Voorsiening van 2021 se opvoederdiensstate aan spesiale openbare skole**

### **1. 2021 opvoederdiensstate**

- 1.1 Die 2021 opvoederdiensstate van spesiale openbare skole is bepaal volgens die hersiene posvoorsieningsnorme wat in 2007 deur die Komitee van Onderwyshoofde goedgekeur is, en ingevolge die Wes-Kaap Onderwysdepartement (WKOD) se aanbevole norme, soos in 2007 met die onderwysersunies en die beheerliggaamverenigings ooreengekom.
- 1.2 Hierdie opvoederdiensstate sal op 23 September 2020 op die Sentrale Onderwysbestuursinligtingstelsel (SOBIS), onder die skakel van *Administration (Establishments)* gepubliseer word.

### **2. Maatreëls (breë beginsels)**

#### **2.1 Posstruktuur**

- 2.1.1 Die posstruktuur en beskrywings vervat in die Personeel Administratiewe Maatreëls, soos gepromulgeer deur die Minister van Basiese Onderwys in Staatskoerant No. 39684, gedateer 12 Februarie 2016 is van toepassing op opvoederdiensstate.

- 2.1.2 Tydens oorlegpleging tussen die Provinsiale Minister van Onderwys, vakbonde en beheerliggaamverenigings op 18 Augustus 2020, is die mandjie poste wat vir die 2020-akademiese jaar verklaar is, vir die 2021-akademiese jaar behou. Die Hoof van Onderwys het op 31 Augustus 2020 oorlegpleging met vakbonde en beheerliggaamverenigings afgesluit oor die aanwending en verspreiding van die 2021-mandjie poste.
- 2.1.3 Tydens die bogenoemde oorlegplegings het die Hoof van Onderwys alle rolspelers ingelig dat die COVID-19-pandemie 'n groot invloed op die fiskus gehad het, en dat die waarskynlikheid dat 'n aanpassing in die Wes-Kaap Onderwysdepartement (WKOD) se mediumtermyn-bestedingsraamwerk (MTBR) 'n aanpassing in die WKOD se begrotingstoekenings vir 2020/2021, 2021/2022 en 2022/2023 teweeg sal bring.
- 2.1.4 Prinsipale en beheerliggame moet asseblief kennis neem van die risiko's verbonde aan 'n aanpassing in die WKOD se begroting, wat die herpriorisering en hertoewysing van die finansiering sal vereis en 'n invloed op die 2021-mandjie poste kan hê. Die volle invloed hiervan kan eers bepaal word sodra die Provinsiale Tesourie sodanige aanpassings bekend maak, en dit kan ook 'n aanpassing van die voorsiening van opvoederposte vir gewone openbare skole vir die 2021-akademiese jaar vereis, wat gekommunikeer sal word sodra dit afgehandel is. Die WKOD sal alles in sy vermoë doen om dit te vermy.

## 2.2 Skoolgradering

Skole word ooreenkomstig die Personeel Administratiewe Maatreëls, soos gepromulgeer deur die Minister van Basiese Onderwys in Staatskoerant No. 39684, gedateer 12 Februarie 2016 gegradeer.

## 2.3 Poste wat op 31 Desember 2020 verval

Ingevolge die maatreëls van die Hersiene Posverspreidingsmodel, moet gewone openbare skole en spesiale openbare skole teen 30 September van die voorafgaande jaar van hul jaarlikse onderwysdiensstate voorsien word. Dus, vir die 2020 akademiese jaar sal alle onderwysdiensstate wat aan spesiale openbare skole uitgereik is op 31 Desember 2020 verval.

## 3. Vul van geadverteerde poste

- 3.1 Alle poste wat reeds in 'n departementele vakaturelys geadverteer is, mag permanent gevul word, mits daardie poste op die diensstaat vir 2021 verskyn.
- 3.2 Indien 'n geadverteerde pos nie op die diensstaat vir 2021 verskyn nie, is die skool nie op daardie pos geregtig nie en sal sodanige pos as foutiewelik geadverteer beskou word.

- 3.3 Die bepaling dat 'n geadverteerde pos (veral 'n bevorderingspos) slegs gevul kan word indien dit nie veroorsaak dat 'n botallige onderwyser geskep word nie, bly van krag.
- 3.4 Indien die prinsipaal en die beheerliggaam van mening is dat die posbeskrywing van die geadverteerde pos nie langer aan die kurrikulumbehoeftes van die inrigting voldoen nie, mag hulle die WKOD versoek om die pos te beskou as foutiewelik geadverteer. 'n Gedetailleerde verduideliking, wat deur die prinsipaal en die voorsitter van die beheerliggaam onderteken is, moet sodanige versoek vergesel.
- 3.5 Ten einde stabiliteit in 2021 te verseker, beoog die WKOD om die omskakelproses te gebruik om Posvlak 1-poste vir aanstelling op 01 Januarie 2021 te vul. Waar poste vasgelê is om in Vakaturelys 03/2020 geadverteer te word en die skool 'n geskikte onderwyser geïdentifiseer het wat van tydelike tot permanente status omgeskakel kan word, kan die advertensie van die konsep- vakaturelys verwyder word.

**4. Vul van vakante substantiewe poste (gebaseer op opvoederdiensstate van 23 September 2020)**

- 4.1 Die Departement ondervind steeds die finansiële beperkinge ten opsigte van die Vergoeding van Werknemers (VvW) -begroting vir die 2020/2021 tot 2022/2023 mediumtermyn uitgaweraamwerke. Een van die strategieë wat in 2020 ondersoek is, was om die impak van die VvW-uitgawe te verminder deur botallige onderwysers effektief te bestuur, wat die laterale oorpasing van onderwysers tussen skole met vakatures en die benutting van botallige onderwysers waar kurrikulumuitdagings ervaar is, ingesluit het.
- 4.2 Die departement sal weer maatreëls implementeer en die effektiewe gebruik en aanwending van botallige onderwysers in 2021 noukeurig monitor. Die volgende stappe sal binne die tydsraamwerke wat geïdentifiseer is, gedoen word:

Intervensie en aktiwiteite	Tydsraamwerk
Alle opvoeders wat nie in die 2021-onderwysdiensstate geabsorbeer kan word nie, word formeel botallig verklaar.	01–30 Oktober 2020
Distrikte identifiseer geskikte poste vir onderwysers wat botallig verklaar is vir 2021 en konsulteer met prinsipale/ beheerliggame vir die plasing van die botallige onderwysers. Formele plasingbriewe sal uitgereik word aan botallige onderwysers wat gepas en in vakante substantiewe poste vir 2021 geplaas kan word.	01–31 Oktober 2020
Distrikte voorsien Hoofkantoor van 'n lys met onderwysers wat nie geplaas kan word nie, vir plasing in ander distrikte.	31 Oktober 2020
Hoofkantoor maak aanbevelings aan distrikte vir plasing in distriksposte.	01–30 November 2020

Formele plasingbriewe word uitgereik aan botallige onderwysers wat paslik in vakante substantiewe poste vir 2021 geplaas kan word.	01–30 November 2020
Botallige onderwysers wat nie gepas en geplaas kan word nie, moenie deel van die skool se roosterbeplanning vir 2021 uitmaak nie.	05 Desember 2020
In gevalle waar skole addisionele onderwysers as gevolg van groei in leerdertalle benodig, sal distrikte met prinsipale/beheerliggame vir die plasing van botallige onderwysers onderhandel. Formele plasingbriewe sal uitgereik word aan onderwysers wat paslik geplaas kan word.	13 January 2021

- 4.3 Onderwysers wat reeds botallig verklaar is, gebaseer op vorige opvoederdiensstate en in ooreenstemming met vorige prosesse, en wat steeds botallig is, behou hul botallige status. Hierdie onderwysers sal ingevolge die geldende kollektiewe ooreenkomste van RAVO hanteer word.
- 4.4 Onderwysers wat permanent aangestel is, moet ingevolge Kollektiewe Ooreenkoms 4/2016 van RAVO geïdentifiseer word.
- 4.5 Daar sal voortgegaan word met pogings om botallige onderwysers gedurende die 2021 akademiese jaar te plaas waar onderwysers die diens van die WKOD verlaat en waar die botallige onderwysers se profiel aan die kurrikulumvereistes van die vakante pos/te voldoen.
- 4.6 **Aanstelling van pas gekwalifiseerde onderwysers**

'n Ander strategie om die kostes op die VvW-begroting te verminder is om eerder pas afgestudeerde onderwysers in die WKOD aan te stel as onderwysers wat reeds teen hoë salarisse betaal word. Sodoende tref ons voorsorg dat nuwe, jonger onderwysers in diens van die WKOD tree.

'n **Pas afgestudeerde onderwyser** word gedefinieer as 'n finalejaarstudent en/of 'n gekwalifiseerde onderwyser wat die afgelope drie jaar gegradueer het en nog nooit in diens van die staat was nie. Hierdie groep sluit Funza Lushaka-beurshouers in.

Terselfdertyd erken ons dat skole die laaste woord behoort te hê om die beste persoon vir die posisie te kies. Ten einde te verseker dat ons die verskillende belange balanseer, moet prinsipale en beheerliggame die Hoof van Onderwys by die WKOD direk skriftelik nader (en die tersaaklike Distriksdirekteur hierby insluit) indien hulle ernstige besware teen die aanstelling van sodanige pas afgestudeerde onderwysers by hul skole het, en die resultaat van hul petisie afwag. Sodanige petisies moet minstens twee weke voordat die onderwyser diens moet aanvaar, ingedien word sodat elke geval na behore oorweeg kan word.

#### 4.7 **Aanstelling van geskik gekwalifiseerde onderwysers**

Slegs gekwalifiseerde onderwysers met 'n ROKW 13 of hoër kan vir vakante onderwysposte oorweeg word. Die WKOD sal die reg uitoefen om ander onderwysers aan te stel slegs indien geen gekwalifiseerde onderwysers uit bogenoemde kategorieë geïdentifiseer kan word nie.

#### 5. **Navrae**

Rig asseblief alle navrae aangaande hierdie omsendbrief (maatreëls, ens.) aan die tersaaklike kringbestuurder.

#### 6. **Algemeen**

Die inhoud van hierdie omsendbrief moet onder die aandag van alle onderwysers en lede van die beheerliggaam gebring word

**GETEKEN:** BK SCHREUDER

**HOOF: ONDERWYS**

**DATUM:** 2020-09-22